



Broj: 01/04-05-2652/18  
Sarajevo, 03.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

Predmet: Odgovor na vijećničko pitanje upućeno na 14. sjednici Gradskog vijeća Grada Sarajeva (gradski vijećnik Toni Vukadin)

Veza: Vaš akt, broj: 01-GV-02-448-4/18 od 28.03.2018. g.

Poštovani,

Gradski vijećnik Toni Vukadin uputio je vijećničko pitanje sljedećeg sadržaja:

„Potrebno je da organ koji ima informacije, za sljedeću sjednicu pripremi odgovor na pitanje na koji način će se riješiti problem parkiranja u funkciji pristupa, očekivano velikog broja korisnika, polaznoj stanici Sarajevske žičare, odnosno planira li se uređenje parkirališta preko puta Vijećnice na drugoj obali Miljacke.“

**Odgovor:**

Očigledno je da postoji problem parkiranja na području oko polazne stanice Sarajevske žičare, međutim Grad Sarajevo nije nadležan za rješavanje ovog problema.

Vijećničko pitanje smo aktom broj: 01/08-23-2482/18 od 24.04.2018. godine prosljedili Ministarstvu saobraćaja Kantona Sarajevo, kao nadležnoj instituciji za rješavanje ove problematike, te ćemo Vam dostaviti konkretan odgovor.

Parking preko puta Vijećnice na drugoj obali Miljacke je također u nadležnosti Ministarstva saobraćaja Kantona Sarajevo, koji je dao ovaj parking na upravljanje KJKP RAD.

Vezano za parkirališta na samoj polaznoj stanici Sarajevske žičare, Grad Sarajevo je planirao izgraditi određeni broj parking mjesta za invalide u okviru projekta vanjskog uređenja žičare.

Gradonačelnik

mr. Abdulah Skaka s.r.

Dostaviti:

- Naslovu,
- a/a



Broj: **01-05-679/18**

Sarajevo, 14.05.2018. godine

Bosna i Hercegovina  
Federacija Bosne i Hercegovine  
GRAD SARAJEVO  
GRADSKO VIJEĆE

n/r Predsjedavajući Gradskog Vijeća Dr. Igor Gavrić

## **Predmet: Odgovor na vijećničko pitanje**

### **veza Vaš broj:01-GV-02-433-1/18**

Shodno Vašem dopisu broj: 01-GV-02-433-1/18 od 25.04.2018.godine, u kojem ste nas upoznali sa pitanjem koje je uputila gradska vijećnica Barbara Peleš Stroil, po pitanju trenutno zaposlenih u objektu Vijećnica u prilogu Vam dostavljamo naš odgovor.

Na poslovima koji su vezani samo za objekat Vijećnice zaključno sa danom 08.05.2018. godine radno je angažovano 6 (šest) zaposlenika raspoređenih na sljedeća radna mjesta sa opisom poslova koje obavljaju:

#### **1) Stručni saradnik za muzejske poslove 2 (dva) izvršioca**

Opis poslova: Izrada i provođenje planova za grupne posjete objektu Vijećnica, sprovodi promotivnu akciju, pruža pomoć u istraživanju tržišta, vrši komunikaciju sa spoljnim agencijama, autorima, umjetnicima, učestvuje u praćenju efekata promocije, pruža pomoć u procjeni reakcije tržišta na ponuđeni program, kao i mailing obavještenja o postojećoj ponudi, kao i druge poslove po nalogu nadređenog.

#### **2) Blagajnik 2 (dva) izvršioca**

Opis poslova: Obavlja poslove provjere stanja na kraju radnog dana, vođenje i čuvanje prateće dokumentacije, kontrolu blagajničkog poslovanja, prijem i zaduženje gotovine primljene od korisnika usluga koji uplatu vrše direktno u blagajnu u skladu sa zakonskim i podzakonskim aktima, vođenje dokumentacije kojom se potvrđuje prijem novca u blagajnu, razvrstavanje uplatnica i računa, kao i druge poslove po nalogu nadređenog.

#### **3) Higijeničarke 2 (dva) izvršioca**

Opis poslova: Održavanje čistoće objekata kao i oko objekta društva, obavlja i druge poslove po nalogu nadređenog.

S poštovanjem

Direktor

Esad Tanović s.r.l.

Broj: **01-05-679-1/18**

Sarajevo, 14.05.2018. godine

Bosna i Hercegovina  
Federacija Bosne i Hercegovine  
GRAD SARAJEVO  
GRADSKO VIJEĆE

n/r Predsjedavajući Gradskog Vijeća Dr. Igor Gavrić

**Predmet: Odgovor na inicijativu**

**veza Vaš broj: 01-GV-02-530-4/18**

Shodno Vašem dopisu broj: 01-GV-02-530-4/18 od 25.04.2018.godine, u kojem ste nas upoznali sa inicijativom koju je uputio gradski vijećnik Samir Fazlić po pitanju plana aktivnosti te radu Trebevičke žičare u prilogu Vam dostavljamo naš odgovor.

JP „Sarajevo“ d.o.o je u procesu izrade trogodišnjeg plana poslovanja, u kome će biti navedene sve aktivnosti koje se imaju namjeru provoditi u narednom periodu. Po usvajanju tog dokumenta od strane Skupštine preduzeća, možemo Vas upoznati sa istim.

S poštovanjem

Direktor  
Esad Tanović s.r

Broj: **01-05-679-2/18**

Sarajevo, 14.05.2018. godine

Bosna i Hercegovina  
Federacija Bosne i Hercegovine  
GRAD SARAJEVO  
GRADSKO VIJEĆE

n/r Predsjedavajući Gradskog Vijeća Dr. Igor Gavrić

**Predmet: Odgovor na inicijativu**

**veza Vaš broj: 01-GV-02-530-6/18**

Shodno Vašem dopisu broj: 01-GV-02-530-6/18 od 25.04.2018.godine, u kojem ste nas upoznali sa inicijativom koju je uputila vijećnica Barbara Peleš Stroil po pitanju prijevoza kućnih ljubimaca u Sarajevskoj žičari, u prilogu Vam dostavljamo naš odgovor.

Iako većina operatera u Evropi ne dozvoljava prijevoz kućnih ljubimaca u zatvorenim gondolama, mi smo u JP „Sarajevo“ d.o.o. ipak našli modalitet da izađemo u susret našim građanima i omogućimo prijevoz kućnih ljubimica pod određenim uslovima.

Jedini mogući način bezbjednog i higijenskog prijevoza kućnih ljubimaca u zatvorenim gondolama je u zatvorenim boksovima po IATA standardima i on je uslovljen planom spašavanja i evakuacije u incidentnim slučajevima. Bilo bi gotovo nemoguće izvršiti evakuaciju putnika iz kabine u kojoj se nalazi „slobodan“ kućni ljubimac.

Vezano za dio Vaše inicijative koji se odnosi na nabavku boksova, mišljenja smo da bi u tim slučajevima JP „Sarajevo“ d.o.o. na sebe preuzeo odgovornost za njihovu čistoću, odnosno sprječavanje prenosa zaraznih bolesti, buha, bacila i sl., kako između životinja tako i između životinja i ljudi. Ovo bi zahtjevalo dodatne obuke i sredstva, a firmu i naše radnike izložili nepotrebnim rizicima.

Ostajemo otvoreni, ukoliko neka organizacija ili udruženje želi da preuzme obavezu, obezbjeđenja i održavanja zahtjevanih boksova, da im pomognemo u tom naporu.

I na kraju, u narednom koraku izmjene i unapređenja cjenovnika, razmotrićemo Vaš konstruktivni prijedlog za povratnom kartom za kućne ljubimce.

S poštovanjem

Direktor  
Esad Tanović s.r

Broj: **01-05-679-3/18**

Sarajevo, 14.05.2018. godine

Bosna i Hercegovina  
Federacija Bosne i Hercegovine  
GRAD SARAJEVO  
GRADSKO VIJEĆE

n/r Predsjedavajući Gradskog Vijeća Dr. Igor Gavrić

**Predmet: Odgovor na inicijativu**

**veza Vaš broj:01-GV-02-530-9/18**

Shodno Vašem dopisu broj: 01-GV-02-530-9/18 od 25.04.2018.godine, u kojem ste nas upoznali sa inicijativom koju je uputio gradski vijećnik Nihad Uk po pitanju upravljanja kosim liftom u prilogu Vam dostavljamo naš odgovor.

U ovome trenutku JP „Sarajevo“ d.o.o. nema raspoložive kapacitete da preuzme upravljanje kosim liftom u naselju Ciglane.

U slučaju da Gradsko Vijeće bude razmatralo inicijativu da donese odluku da JP „Sarajevo“ d.o.o. preuzme upravljanje kosim liftom u naselju Ciglane, prije rasprave bi bilo neophodno napraviti tehno-ekonomsku studiju iz koje bi saznali koji su potrebni resursi da bi se takva jedna inicijativa realizovala.

Odnosno koja su to potrebna budžetska sredstva za rekonstrukciju postojećeg ili izgradnju novog lifta te subvencioniranje rada ovog lifta na godišnjem nivou.

S poštovanjem

Direktor  
Esad Tanović s.r



Broj: 01-GV-02-431-1.1/18  
Datum, 18.05.2018.godine

*GRAD SARAJEVO*  
*GRADSKO VIJEĆE*

**Predmet: Odgovor na vijećničko pitanje gradske vijećnice Barbare Peleš Stroil, upućeno na 15. sjednici Gradskog vijeća Grada Sarajeva, održanoj 25.04.2018.godine**

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na 15. sjednici Gradskog vijeća Grada Sarajeva, održanoj 25.04.2018. godine, **gradska vijećnica Barbara Peleš Stroil** je uputila **vijećničko pitanje** kako slijedi:

“Koliko je realizovanih vijećničkih inicijativa iz 2017. godine?”

U Izvještaju o radu Gradskog vijeća Grada Sarajeva za 2017. godinu, između ostalog, navedeno je:

„U toku 2017. godine na sjednicama Gradskog vijeća gradski vijećnici su postavili 28 vijećničkih pitanja i dobili odgovore na 23, a za pet odgovora Gradska služba za Gradsko vijeće nema informacija. U toku 2017. godine na sjednicama Gradskog vijeća upućene su 42 inicijative, 28 inicijativa su uputili gradski vijećnici, a 14 radna tijela Gradskog vijeća. Informacije o realizaciji, odnosno o toku realizacije inicijativa dostavljene su za 30 inicijativa, a za 18 inicijativa Gradska služba za Gradsko vijeće nema informacija o toku realizacije.“

U 2018. godini su Gradskom vijeću dostavljeni određeni odgovori na vijećnička pitanja i inicijative upućene tokom 2017. godine. Tako su u januaru mjesecu 2018. godine dostavljeni odgovori na tri vijećnička pitanja iz 2017. godine, te informacija o realizaciji jedne inicijative. Za februarsku sjednicu je dostavljen odgovor na jedno vijećničko pitanje i informacija o realizaciji dvije inicijative upućene u 2017. godini. Za martovsku sjednicu je dostavljena informacija o realizaciji jedne inicijative.

Dakle, tokom 2018. godine su realizirane još četiri inicijative iz 2017. godine, te se očekuje informacija o realizaciji preostalih 14 inicijativa.

Također, dostavljeni su odgovori i na četiri vijećnička pitanja upućena u 2017. godini, te po dobivanju odgovora na jedno preostalo pitanje Gradsko vijeće će dobiti odgovore na sva vijećnička pitanja upućena tokom 2017. godine.

Programom rada Gradskog vijeća Grada Sarajeva za 2018. godinu, u julu mjesecu je planirano razmatranje detaljne Informacije o realizaciji vijećničkih pitanja i inicijativa koju Gradskom vijeću podnosi Gradonačelnik.

*PREDSJEDAVAJUĆI GRADSKOG VIJEĆA*

*Dr. Igor Gavrić, s.r.*

Dostaviti:

- Gradskom vijeću,
- Gradskoj vijećnici Barbari Peleš Stroil,
- Evidenciji,
- a/a



Broj: 01/04-05-3020/18  
Sarajevo, 22.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

**Predmet: Odgovor na vijećničku inicijativu upućenu na 14. sjednici Gradskog vijeća Grada Sarajeva (Odbor za društvene djelatnosti)**

**Veza: Vaš akt, broj: 01-GV-02-403-2.1.-405-2.1./18**

Poštovani,

U povodu razmatranja inicijativa Odbora za društvene djelatnosti, Gradsko vijeće je usvojilo sljedeće zaključke:

„1. Zadužuje se Gradonačelnik da predloži Gradskom vijeću strateške smjernice za djelovanje Grada Sarajeva, svojim resursima, s ciljem promocije turističke ponude Grada Sarajeva, putem projekata Grada Sarajeva tokom cijele godine, a na način kako je to prezentirano u Informaciji o učincima ulaganja u organizaciju javnog dočeka za prethodne tri nove godine (2018., 2017. i 2016.) vezano za doček nove godine.  
2. Jedna od aktivnosti bi mogla biti koncert u organizaciji Grada Sarajeva, kao događaj kojim se zatvara ljetno festivalsko vrijeme u Sarajevu (vrijeme SFF-a, Baščaršijskih noći i dr.).

Odgovor:

S tim u vezi, obavještavamo Vas da je Gradska služba za obrazovanje, kulturu, sport i mlade planirala programske aktivnosti i potrebna finansijska sredstva Dokumentom okvirnog budžeta Grada Sarajeva za period 2019-2021. godine, i to:

- Koncert u organizaciji Grada Sarajeva povodom zatvaranja ljetne turističke i festivalske sezone u Sarajevu, u iznosu od 60.000,00 KM za svaku godinu;
- Nastavak Projekata „Svjetlosna dekoracija Grada Sarajeva“, II-IV faza, u iznosu od 200.000,00 KM za svaku godinu.

Gradonačelnik

mr. Abdulah Skaka s.r.

Dostaviti:

- Naslovu,
- a/a





Broj: 01/04-05-3014/18  
Sarajevo, 21.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

Predmet: Odgovor na vijećničku inicijativu upućenu na 15. sjednici Gradskog vijeća Grada Sarajeva (gradski vijećnik Nihad Uk)

Veza: Vaš akt, broj: 01-GV-02-530-9/18 od 25.04.2018. g.

Poštovani,

Gradski vijećnik Nihad Uk uputio je vijećničku inicijativu sljedećeg sadržaja:

„Potrebno je da Gradonačelnik u suradnji sa JP „Sarajevo“ d.o.o. koje je kadrovski kapacitirano da može upravljati i kosim liftom u naselju „Ciglane“, ponovo razmotri ranije upućenu inicijativu da Grad Sarajevo, kroz određeni sporazum sa KJKP „GRAS“ Sarajevo, preuzme upravljanje nad kosim liftom u naselju „Ciglane“.

Građanima je svakodnevna funkcija ovog lifta nužna, a nadležni, do sada, nisu uspjeli odgovoriti zahtjevima, odnosno potrebama građana, te se očekuje da Grad Sarajevo riješi i ovaj problem na odgovarajući način.“

Odgovor:

Svjesni smo činjenice da problem kosog lifta u naselju „Ciglane“ već duži period predstavlja neugodnost za stanovnike tog naselja. I pored želje da pomognemo rješavanju ovog problema, prije svega građanima sa ovog područja omogućimo siguran i kvalitetan vertikalni transport, do rješavanja imovinsko pravnih odnosa, Grad Sarajevo, odnosno JP „Sarajevo“ d.o.o. ne može pokrenuti konkretne aktivnosti na preuzimanju nadležnosti nad ovim postrojenjem.

Također, raspoložemo sa informacijom da je Općina Centar Sarajevo već poduzela konkretne radnje u cilju rješavanja ovog problema i namjerava da preuzme kosi lift, o čemu govori i činjenica da su u budžetu Općine Centar za 2018. godinu planirana sredstva za rekonstrukciju ovog postrojenja.

Gradonačelnik

mr. Abdulah Skaka s.r.

Dostaviti:

- Naslovu,
- a/a







Broj: 01/04-05-3015/18  
Sarajevo, 21.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

**Predmet: Odgovor na vijećničku inicijativu upućenu na 15. sjednici Gradskog vijeća Grada Sarajeva (gradska vijećnica Barbara Peleš Stroil)**

Veza: Vaš akt, broj: 01-GV-02-432-1/18 od 25.04.2018. g.

Poštovani,

Gradska vijećnica Barbara Peleš Stroil uputila je vijećničku inicijativu sljedećeg sadržaja:

„U okviru tačke „Vijećnička pitanja i inicijative“ podnosim inicijativu da se prilaz javnom toaletu na Vilsonovom šetalištu prilagodi invalidnim licima.

Naime, postojeći prilaz javnom toaletu na Vilsonovom šetalištu nije adekvatan.“

Odgovor:

Uvažavajući Vašu inicijativu, informišemo Vas da je javni toalet u Vilsonovom šetalištu rađen po projektu, tehnički primljen i ima upotrebnu dozvolu. Pristup javnom toaletu omogućen je preko rampe koja je u granicama dozvoljenog nagiba, putem koje se ravno pristupa toaletu za osobe sa invaliditetom.

Gradonačelnik

mr. Abdulah Skaka s.r.

Dostaviti:

- Naslovu,
- a/a





Broj: 01/04-05-3017/18  
Sarajevo, 22.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

Predmet: Odgovor na vijećničku inicijativu upućenu na 15. sjednici Gradskog vijeća Grada Sarajeva (gradski vijećnik Vibor Handžić)

Veza: Vaš akt, broj: 01-GV-02-530-8/18 od 25.04.2018. g.

Poštovani,

Gradski vijećnik Vibor Handžić uputio je vijećničku inicijativu sljedećeg sadržaja:

„Traži se od Gradonačelnika da dostavi Gradskom vijeću pisanu informaciju o sudbini donirane polovne opreme za rekonstrukciju Trebevičke žičare koja je bila smještena u bazi EUFOR-a na Stupu, koja je odlukom Gradskog vijeća ranije bila donirana Općini Olovo, a zatim je ta donacija povučena novom odlukom Gradskog vijeća.“

Odgovor:

Niti po jednom propisu, donirana žičara koja je skladištena u EUFOR bazi u Butmiru, nije zadovoljavala kriterije za njeno postavljanje. Žičare se prave po sistemu "tejlor mejd" za svako područje na kojoj se grade. Ovo je utvrđeno nalazom, procjenom, mišljenjem Mašinskog fakulteta Univerziteta u Sarajevu. Zaključak istog nalaza i procjene je da se ista jedino može iskoristiti kao sekundarna sirovina u iznosu od cca. 60.000,00 KM. Donirana žičara je izmještena iz baze i pod nadzorom ovlaštenih carinskih službenika UIO BiH – Regionalni centar Sarajevo, uništena do mjere kada se više ne može koristiti. Grad je od ove donirane opreme dobio iznos od cca. 60.000,00 KM koji je upotrebljen u projektu izgradnje Trebevičke žičare.

Gradonačelnik

mr. Abdulah Skaka s.r.

Dostaviti:

- Naslovu,
- a/a





Broj: 01/04-05-3012 /18  
Sarajevo, 21.05.2018.g.

**Gradsko vijeće Grada Sarajeva**

**N/r Igor dr. Gavrić, predsjedavajući**

Predmet: Odgovor na vijećničku inicijativu upućenu na 11. sjednici Gradskog vijeća Grada Sarajeva (gradski vijećnik Miro Lazović)

Veza: Vaš akt, broj: 01-GV-02-178-5/18 od 31.01.2018. g.

Poštovani,

Gradski vijećnik Miro Lazović uputio je vijećničku inicijativu sljedećeg sadržaja:

„U neposrednoj okolini lokacije na kojoj se gradi polazna stanica Trebevičke žičare, uočen je veliki broj bespravno izgrađenih, odnosno bespravno rekonstruiranih objekata koji su umanjili kvalitet okruženja.

Također, pred samim objektom se nalazi objekt čijim rušenjem bi se bitno povećala kvaliteta prostora, budući da zaklanja pogled na Vijećnicu i Baščaršiju.

Predlaže se Gradonačelniku da razmotri mogućnost otkupa i rušenja ovog objekta, te da predloži Gradskom vijeću moguće rješavanje problema.“

Odgovor:

Neosporno je, postoje nelegalno izgrađeni objekti locirani oko polazne stanice Trebevičke žičare koji smanjuju arhitektonsku vrijednost novosagrađenog objekta, zaklanjaju pogled prema starom dijelu grada i generalno ostavljaju dojam ukupne urbanističke neuređenosti.

Tako smo već ranije, a i na tragu Vaše inicijative, poduzeli određene mjere vezane za otkup i rušenje kuća koje se nalaze u blizini polazne stanice Trebevičke žičare. Tako je već kupljena jedna kuća, čijim rušenjem se otvara još jedan prilaz polaznoj stanici, otvora mogućnosti kružnog toka motornog saobraćaja i povećanje broja parking mjesta. A u toku su pregovori sa vlasnikom još jedne kuće u samoj blizini o mogućnostima kupovine objekta.

Naš stav je da je Vaša inicijativa svrsishodna, te je naša namjera, naravno uz pomoć/saglasnost Gradskog vijeća, da se izvrši otkup svih objekata koji estetski i funkcionalno negativno djeluju na polaznu stanicu Trebevičke žičare.

Gradonačelnik

mr. Abdulah Skaka s.r.

Dostaviti:

- Naslovu,
- a/a

